

四庫全書

子部

欽定四庫全書

子部  
圖書編卷三十二

詳校官中書臣孫衡

主事臣祁韻士覆勘

總校官進士臣朱鈐

校對官編修臣馬猶龍

謄錄監生臣李昇

欽定四庫全書

圖書編卷三十二

周職方春秋列國圖總敘

明 章潢 撰

禹貢九州想從古有圖藉可考三代封建未之改也  
觀周禮職方所掌豈冀分屬而梁之名已不見于九州  
矣然列國都邑大勢如故及平王以後諸侯率以兵  
力爭雄區宇分裂非復先王之舊也故蘇子瞻畫為

春秋列國指掌圖以便觀覽凡古今圖國邑沿革異同皆可按圖以覈其詳焉嗟夫凡今之人誰不罪秦之廢封建為郡縣也抑孰知唐虞萬國至周王代商止存千八百國耳春秋魯衛齊晉小大不侔其所存者不過數十匪特篡弒之禍靡國不然而強弱吞噬亦無虛日秦雖始欲復封建萬國勢不能已雖然今昔之時勢雖殊而疆土則萬古不易欲求先王區畫舊制益于周禮職方春秋列國圖而考其變革之自云

北嶽 恒鎮 澤昭余祁  
 利市帛 浸洩易  
 民勇安 川濟池  
 穀五種 粟

井

幽鎮 澤大野  
 民勇安 浸蒲魚  
 穀四種 川河汭

賢無問

澤模養 川河汭  
 浸苗時 利魚鹽

東嶽 岱鎮 澤大野  
 民勇安 浸蒲魚  
 穀六種 川河汭

兗

澤大野 川河汭  
 浸蒲魚 利蒲魚

中嶽 嵩 澤園田

青鎮 澤望諸  
 民勇安 浸沂沫  
 穀稻麥 川淮泗

青

楊鎮 澤戴身區  
 民勇五女 浸五湖  
 穀烏獸 川三江

楊

廣東

福建

圖書



周職方氏九州山澤川浸利民畜穀九州分立與虞書禹貢異者蓋禹

至于治水幽并營皆北方廣漠之地罹水患少故幽并統于冀營統于青而止九州舜時四夷來王封域極廣肇十有二州後有作者不可及矣周時大約與漢同但淮與大野在禹貢徐州之川澤而職方青州之川淮泗兖州之澤大野是以徐而入青兖矣華陽璆鐵砮磬在禹貢為梁州之山與貢也而職方豫州之山華雍州之利玉石是以梁而入雍豫矣此為不

同耳然無徐州者蓋洪水之害淮河為大禹于其下  
流施功為多故建徐州周時碣石淪于海正東之地  
不及于虞故有青兗則雖革徐州而東方為無空者  
無梁州則西方輿地似于缺然何也夫天地之化開  
之有漸始西北而次東北次東南次正南故上古聖  
人皆出于北方周家世居西土文王之化延及江漢  
正荊州之地武王伐紂而庸蜀羌髳景從是乃梁州  
以及徼外之地然其中未歸化者則甚衆故周以其



施貢所及者則分屬于荆雍豫而其不及以政者亦不入于職方也方今財賦文獻多出南方雖閩越南粵自古所謂荒服者今悉與中土無異但西南地俱為來王之國而時有背叛者宜周公于此不置屬也夫聖人之教不先天以開人不棄天以從人西南之域開之有時是故不能強之以俟後聖也乃若北方醫無閭冀州河套内等地正職方氏所謂穀宜三種畜宜四擾而在九服之内其外則為九貉六狄亦皆

內屬而周知其民物之數者自周德衰而為他人所竊據秦人不知守在四夷之道為長城以限之遂使肥美之地與兗豫等者悉淪沒沙漠不毛之域矣自漢以來欲為控禦之策者已視為大事而不思生聚教訓以經畧吾之九服者乃分內事是不免于棄天也

周九州與禹貢異

丘氏曰冀兗青徐揚荆豫梁雍此禹貢九州也冀豫

雍幽營揚兗徐荆此爾雅九州也揚荆豫青兗雍冀  
幽并此職方九州也舜肇十有二州分冀為幽并青  
為營夏復為九州周九州與禹貢不同者周都雍王  
畿不可不廣梁多險阻故合雍梁為一時碣石淪于  
海徐地狹故青冀之堯舜都冀壤最闊今京師山西  
外所包者廣故此分幽并

春秋列國圖





傳稱武王克商光有天下兄弟之國者十有五人姬  
姓之國者四十人爵五品而上三等公侯百里伯七

十里子男五十里不滿為附庸蓋千八百國周室既

衰轉相吞滅數百年間列國耗盡春秋之世見於經

傳總一百二十四國

魯晉楚齊秦吳越宋衛鄭陳蔡  
諸曹許莒杞滕薛小邾息隨虞

北燕紀巴鄧邲徐郟芮胡南燕州梁荀賈凡蔡宿邲  
原蕪舒鳩滑邲黃羅邲魏霍邲邲蒲向偃陽韓舒庸  
焦陽夷申密耿麋邲弦頓沈穀譚舒邲白狄賴肥鼓  
戎蠻唐潞江邲權道桓貳軫絞琴六遂崇戴冀溫厲  
項英氏介巢盧根牟無終年如蓐房狄解虞  
陸渾桐郡於餘丘須勾顛史任葛蕭鄭極鄭  
至其他

蠻夷戎狄不在其間若夫二百四十二年之中朝會

盟聘圍伐滅入孔子筆之於經丘明公穀發明於傳

至今猶想見其處今撮取其尤著者附次於斯

舊國引晉

地理志云見于經傳者百七十國以夏商時諸侯斟酌過戈豕韋之類並列其間蓋前史誤今以左傳書春秋纂例參定之春齊桓服楚結江黃晉文摧楚服

曹衛皆按地以握其背也虞失下陽國遂滅鄭失虎

牢民告病皆開門以延夫寇也是故審要害據形勝

自可制人而不制于人國無憂矣槩而論之地理疆



域其可以弗究乎欲究地理無出東坡指掌一圖即披閱間不惟知春秋諸侯所屬之國道里遠近即皇明一統輿圖亦得以詳其自矣山東即春秋之齊魯也浙江即春秋之吳越也福建即春秋之閩越也山西即春秋之五臺忻代也陝西即春秋之秦也四川即春秋之蜀也廣西即春秋之思柳也湖廣即春秋之楚也江西即春秋之西康以上也河南即春秋之許鄭也廣東即春秋之南粵也知各省之所自則知春

秋五霸十二公經歷處矣然五霸之所禦者即今之九邊而九邊又可以弗究乎嘗聞之冀州即燕京左輔也宣府即大寧涼亭間而葛峪柴溝皆其路也大同即古雲中偏頭寧武鴈門三關附焉所謂娘娘灘羊圈皆其地也榆林即舊治綏德而棄米脂魚河皆其地寧夏即朔方賀蘭山花馬池花兒岔皆其要也甘肅即漢之河西紅城子莊浪鎮皆其要也固原即開城與寧夏為唇齒花馬池邊人謂之大門吾以是

益知九邊要害譬大家門戶利在關防設使大門不  
嚴而守儀門角門不固而守房門可使暴客不入吾  
院宇及吾房舍乎今宣府大同國朝大門也遼東延夏  
甘涼角門也山海居庸紫荆鴈門之類儀門也緩大  
門而急儀門不可以言計無故而退守不可以言武  
縱大門失守獨責儀門不可以言法深謀遠慮者可  
不加之意哉觀春秋伐山戎敗長狄入州來會潢池  
而治亂存亡之機兆矣齊魯秦晉之封危矣哉







歷代州郡沿革考

秦罷侯置守分天下為四十郡 內史

雍州之域 北地

雍州之域 隴西

雍州之域

上郡

雍州之域

九原

雍州之域

三川

荊河之域

碭郡

豫州

豫州之域 潁川

豫州之域

南陽

豫州之域

邯鄲

冀州之域

上谷

冀州之域

鉅鹿

冀州

冀州之域 漁陽

冀州之域

右北平

冀州之域

遼東

青州之域

河東

冀州之域

上黨

冀州之域 太原

冀州之域

代郡

冀州之域

鴈門

冀州之域

雲中

冀州之域

東郡

兗州之域 齊郡

兗州之域

薛郡

兗州之域

琅琊

青州之域

泗水

徐州之域

漢中

梁州之域 巴郡

梁州之域

蜀郡

梁州之域

會稽

揚州之域

閩中

揚州之域

南郡

荊州

之域荆州黔中荆州南海南越桂林南越象郡南越

城之其地西臨洮北沙漠東縈南帶皆臨大海

漢開越攘邊土宇彌廣分為十三州部刺史隸治河

南今河南府豫治譙鄴縣兗治昌邑魯郡徐治郟下邳縣青治臨

淄北海郡涼治隴天水郡并治晉陽大原冀治鄆趙郡幽治薊

陽范陽縣揚治歷陽今縣益治雒永昌荆治壽春武陵縣交治廣信

梧蒼梧其地東樂浪郡西燉煌郡南日南郡北鴈門郡西南

永昌郡



晉初分為十九州部置司州治洛陽充治廩丘

雷澤縣

豫治項

項城

冀治房子

趙郡

并治晉陽青治臨淄徐治彭

城荆初襄陽後江陵揚治壽春春後建業涼治武威

分三輔為雍治京兆分隴山之西為秦治上邽益治

成都分巴漢為梁治南鄭

漢中

分雲南為寧治雲南幽

治涿分遼東為平治昌黎

安東府

交治龍編

安南

分合浦

之北為廣治番禺

唐貞觀分為十道開元分為十五道置採訪使以檢

察非法京畿

治西城

都畿

治東都

關內

多以京官遠領

河南

治陳留郡

河東

治河東郡

河北

治魏郡

隴右

治西平郡

山南東

治襄陽郡

山西南

治襄陽郡

治漢中郡

劍南

治蜀郡

淮南

治廣陵郡

江南東

治吳郡

江南西

治豫章郡

黔中

治黔中郡

嶺南

治南海郡

其地東至安東都護府西至安

西都護府南至日南郡北至單于都護府南北如前

漢東不及西過之宋分天下為二十四路東京西

京

洛陽

南京

應天

北京

大名

浙江路

臨安

浙東路

紹興

福建路

福州

江南東路

建康

江南西路

隆興

淮南東路

揚州

淮南西路

廬州

湖南路湘 湖北路潭 成都府路江陵 利州路四川 梓州路漢中

夔州路寧江 廣南東路廣州 廣南西路靜江 京西南路

京西北路襄陽 京東東路潁昌 京東西路青州 秦鳳路鳳翔

永興軍路陝西 河北東路澧州 河北西路真定 河東路太原 如

唐之河東河北隴右則多為遼夏據疆土視漢唐則

大促矣

按自秦漢以來州郡建置遷徙非常疆土分裂廣狹靡定時勢然也欲稽古証今使于載籍一無所據則

制以時異地以名淆悉混焉罔辨矧其間人物風土  
及一切沿革于何而徵之哉爰採各代州郡大畧以  
備尚論之考證云

冀州沿革

冀州其在天上昴畢則趙之分野尾箕則燕之分野  
兼得秦魏衛之交秦平天下置郡則為鉅鹿邯鄲上  
谷漁陽右北平遼西河東上黨太原代郡鴈門雲中  
及三川郡之北境漢武置十二州此為冀州幽州并

州後漢並因前代為冀州幽州并州魏並因之晉置  
冀州幽州并州惠帝之後其地淪沒於劉元海石勒  
慕容雋又為符堅所陷堅敗慕容垂據之後屬後魏自  
此分割不可詳焉唐分置十五部此為河北道河東  
道兼分入都畿關內道唐末營平二州陷于契丹梁  
初劉仁恭父子據幽燕繼而為晉王所滅晉滅梁稱  
唐唐末石敬瑭叛以幽涿薊檀順瀛莫蔚朔雲應新  
媯儒武寰十六州賂契丹資其兵伐唐為晉晉亡漢

繼之漢亡周劉旻據河東周世宗伐契丹取瀛莫二  
州周亡宋受命太宗以太平興國四年平劉繼元盡  
得河東之地宋承唐制冀州之境為河北河東兩路  
其後又分河北為東西二路宣和間遣使約女真夾  
攻遼取石晉所沒之地十六州遼既亡金人止以薊  
景檀順涿易六州二十四縣來歸遼將張毅又以平  
州來降繼復為金所取靖康後冀地盡沒于金

揚州沿革

在於天官斗則吳之分野兼得楚及南越之交亦古  
流服之國春秋時屬吳越二國越滅吳盡并其地戰  
國時屬楚秦并天下置郡此為九江郭會稽閩中南  
海郡之東境漢改九江曰淮南國及封皇子長為淮  
南王封劉濞為吳王二國盡得揚州之地武帝置十  
三州此為揚州後漢因之三國時淮南屬魏而江南  
屬吳也魏晉亦置揚州元帝渡江揚州遂為王畿領  
江東浙江地宋孝武分浙東為東揚州後罷揚州以

其地為王畿而東揚州直云揚州尋復舊又分置南  
兗州南徐州南荊河州江州齊並因前代唯徙置豫  
州北兗州北徐州梁陳分裂不可詳焉唐分置十五  
部此為淮南道江南道江南西道五代淮南江東北  
為南唐兩浙為吳越閩為王氏其後南取閩至宋開  
寶八年取南唐太平興國三年吳越納土始盡有揚  
州之地為淮南東西路浙東西路江東西路福建路

兗州沿革



其在天文營室東壁則衛之分野兼得魏宋齊趙之  
交秦平天下置郡此為東郡碭郡之東北境齊郡之  
北境鉅鹿上谷二郡之東境漢武置十三州此為兗  
州後漢並因前代魏晉亦置兗州永嘉之後陷于石  
勒宋武平河南又得其地置兗州宋末其地入魏自  
後分割不可詳焉唐分置十五部此為河南道梁時  
滄德二州為唐所有末年貝博二州為唐所取唐滅  
梁傳晉漢周皆有其地宋以魏博貝滄德棣為河北

東路濮鄆濟為京東西路滑為京西北路靖康後沒于金

青州沿革

在天官則虛危齊之分野秦平天下置郡此為齊郡琅琊之東境遼東秦亂項羽宰割天下以其地為國曰膠東齊濟北漢武置十三州此亦為青州後漢因之魏晉亦因之晉又置平州懷帝末沒於石勒慕容皝及慕容恪滅冉閔尅青州至苻氏平燕復有其地

及苻氏敗後刺史苻朗以州降晉晉以為幽州安帝  
時平州又陷于慕容垂其青州又為慕容德所據復  
改為青州後為劉裕所剋復置青州平州自慕容垂  
後又沒于馮跋旋為後魏所有其青州宋分為青冀  
二州後入後魏其後分析不可具舉唐分置十五部  
此為河南道河北道安東府宋為東京路建炎後沒  
於金

### 徐州沿革

在天文奎婁則魯之分野兼得宋齊吳之交秦平天下置郡此為泗水琅瑯之西境薛郡漢又加置東海郡漢武帝置十三州還以其地為徐州後漢並因之前代魏晉亦因之曰徐州自元帝渡江徐州所得唯半而已宋初因之明帝初地入于後魏其後不可詳焉唐分置十三部此為河南道唐末海泗二州為楊行密所據其後為南周世宗伐南唐取二州宋分為京東路京西路淮東道建炎後沒於金惟海泗二州

屢失紹興議卒割以遺金

### 豫州沿革

在天官柳七星張則周之分野房心則宋之分野觜  
觴參則魏之分野角亢氐則韓之分野兼得秦楚之  
交秦平天下置郡為三川碭潁川南陽郡之東境北  
境南郡之北境漢武置十三州此為豫州後漢為司  
隸豫州魏亦同晉分置司州及豫州永嘉之亂豫州  
沒于劉石苻姚宋初有其南境置豫州後魏以後分

裂不詳焉唐分置十五部此為都畿河南道兼分入  
山南東道及河東道五代並都于汴宋因之其豫州  
之境俱為京師輔郡置京東路京西路南渡後俱沒  
于金惟得京師之襄陽均隨秦陽光化而已

雍州沿革

在天文東井輿鬼則秦之分野兼得趙魏之交始皇  
置四十郡此為內史上郡北地九原隴西及雲中之  
西南境其餘郡縣自漢後歷代開置其伊吾以西並

雍州之封域外諸裔地也秦滅項籍分秦地為三國  
曰雍塞翟謂之三秦漢武帝置十三州以其地西偏  
為涼州蓋以地處西方常寒涼也又置司隸領三輔  
後漢時司隸三輔立如前代魏分河西為涼州分隴  
右為秦州三輔仍舊屬司隸晉置雍州涼州秦州愍  
帝之後劉聰石勒苻堅姚萇相繼據之及姚泓為宋  
武帝所滅後屬赫連勃勃其州縣之名不可得而紀  
也後魏以其地置北秦雍南秦三州頗得古雍州之

地迨西魏以後及于周氏分裂置制其名甚多不可悉數隋氏置司隸刺史分部巡察而不詳所統唐分置十部此為京畿關內道隴右道天寶盜起而河西隴右不守陷於吐蕃至太中咸通始復隴右宋為陝西路及河東路內夏銀綏宥靜靈鹽諸郡為西夏所據甘涼瓜沙肅西伊安西北庭亦沒於西夏及諸蕃慶厯初分陝西緣邊為秦鳳涇源環慶鄜延四路熙寧間又以熙河洮岷州道遠軍為一路各置帥五年



又以五路三十四州軍分為兩路永興軍等路秦鳳  
等路紹興初置川陝等路宣撫處置使富平之敗陝  
西五路俱陷于金吳玠胡世將等力戰守鳳翔之和  
尚原九年和議成歸我陝西地十年背盟復入再取  
陝西僅餘階成岷鳳泗州以屬四州之利州路云

### 荊州沿革

在天文翼軫則楚之分野兼得韓秦之交秦平天下置郡  
此為南郡黔中長沙南陽之東郡漢武置十三州此為荊州

其五溪中地歸漢以後歷代開拓後漢因之漢末曹公赤壁敗後遂與吳蜀三分其地及劉備沒後所分之地悉復屬吳而荊州南北雙立晉置荊州宋分置荊州司州郢州湘州雍州齊並因之州境之內含帶蠻蠻土地遼落稱為殷曠江左大鎮莫過荆揚故謂荊州為陝西也其後割裂不可詳也唐分置十五部此為山南東道江南西道黔中道兼分入淮南道及嶺南道宋乾德元年平荆湖三年平蜀始盡得古荊州之地後為荆湖北路荆湖南路及夔路之施黔思播等州云

梁州沿革

在天文兼參之宿亦秦之分野又得楚之交秦平天下置郡為漢中巴蜀隴西郡之南境內史之南境其餘土境自漢以後歷代開拓氐羌戎夷之地漢武帝置十三州益州領郡八益之為言隘也言其地隘險亦曰壤壤益大王莽末公孫述據有其地後漢建武中平之置益州至獻帝末劉備復據其地魏末平之遂分置梁益二州晉初因之後又分益州南境置寧

州惠帝以後李特據之至穆帝時平之其後沒於苻  
堅後又復其地安帝時譙縱據之後又收復宋梁益  
寧三州並因前代更置秦州齊及梁初多因之後魏  
得漢中亦曰梁州西魏亦因之復入於梁梁滅再復  
其地自是以後所置州郡割裂無恆不可詳記唐分  
置十五郡此為山南西道山南東道劍南道兼分入  
京畿隴右道及黔中道唐末蜀地為王建所據後唐  
滅王氏而取其地孟知祥復據之至宋乾德三年平

孟蜀始盡得梁州之地分為益州利州梓州夔州四  
路云

南越沿革

在天文牽牛婺女則越之分野兼得楚之交秦始皇  
畧定楊越謫戍五方南守五嶺後遣任囂攻取陸梁  
之地遂平南越置郡此為南海桂林象置南海尉以  
典之所謂東南一尉者也秦末趙佗遂王其地漢因  
封之佗後數代其相呂嘉反叛武帝使伏波將軍路

博德討平之元封初又遣軍自合浦徐聞入南海至大州方千里畧得之後兼置交趾刺史其餘土宇自漢以後歷代開拓後漢建武中交趾女子徵側妹徵貳反於是九真日南合浦蠻俚皆應之自立為交趾帝使馬援平定交部始調立城郭置井邑至獻帝乃立為交州其邊州詔使持節給鼓吹以重威鎮加九錫六佾之舞漢末其地並屬吳仍分為廣州後屬以建寧大守遙領交州晉平蜀亦然及平吳仍舊是交

廣二州宋分為廣州交州越州齊並因之梁陳以來廢置混雜不能悉舉唐分十五部此為嶺南道五代時為劉氏所據宋乾德四年平南漢始盡得嶺南之地分為廣南東路西路

統論九州之田

今天下之田稱衍者莫如吳越閩蜀其一畝所出視他州輒數倍彼閩蜀吳越者古揚州梁州之地也按禹貢揚州之田第九梁州之田第七是二州之田在

九州之中等最為下而今以沃衍稱者何哉吳越閩  
蜀地狹人衆培養灌溉之功至也夫以第七第九之  
田培養灌溉之功至猶能倍他州之所出又况其上  
之數等乎以此言之今天下之田地力未盡者亦多矣

九州之產

揚州其利金錫竹箭荊州其利丹銀齒革豫州其利  
林漆絲枲青兗州其利蒲魚雍州其利玉石幽州其  
利魚鹽冀州其利松柏并州其利布帛以禹貢揚州



惟金三品瑶琨篠蕩則金錫竹箭固揚州所產也荆  
州厥貢羽毛齒革惟金三品與夫砥礪砮丹則丹銀  
齒革固荊州所產也然則餘州皆以其地所產之多  
少者而言之也



# 九州田賦等則圖

|            |     |            |     |            |     |
|------------|-----|------------|-----|------------|-----|
| 賦中下<br>雍壤黃 | 田上上 | 賦上中<br>豫墳雜 | 田中上 | 賦下中<br>梁蔡青 | 田下上 |
| 賦中中<br>徐埴赤 | 田上中 | 賦上上<br>冀壤黃 | 田中中 | 賦上下<br>荆塗泥 | 田下中 |
| 賦中上<br>青墳白 | 田上下 | 賦下下<br>兗墳黑 | 田中下 | 賦下上<br>揚塗泥 | 田下下 |

總論九州田賦

九州之內有田重而賦輕如青州田上下賦中上徐州田上中賦中中梁州田下上賦下中雍州田上上賦中下或田輕而賦重如冀州田中中賦上上是也或田賦等如兗州田中下賦下下是也以州之兵賦考之民之能出兵馬以供上之征伐者以其力之有餘而已民力厚薄由乎田之肥瘦自古當然而禹貢所出之賦乃爾輕重不同何哉冀州土厚水深號為

沃野豫州天地之中商賈所集揚州東方之都會荆  
州南夏之名區故冀豫為羅綺之鄉荆揚為魚鹽之  
海他物所出利倍於田所以田輕而賦重也青徐海  
上僻陋之邦土狹民瘠雍梁西鄙控扼之國地險患  
多田土之外雜出不厚此所以田重而賦輕也至於  
兗州無雍梁之邊患無青徐之鄙陋又無荆揚之魚  
鹽又無冀豫之羅綺居天下有無之中此所以田賦  
等也

九州水土田里總數

帝王世紀曰禹平水土九州之地凡二千四百三十萬八千二十四頃定墾者九百二十萬八千二十四頃不墾者千五百萬二千頃民口千三百三十三萬三千九百二十三人至於塗山之會諸侯承唐虞之盛執玉帛者亦有萬國是以山海經稱禹使大章步自東極至于西垂二億三萬三千五百里七十五步又使豎亥步南極北盡於北垂二億三萬三千五百

里七十五步四海之內則東西二萬八千里南北二萬六千里出水者八千里受水者八千里名山五千二百五十徑六萬四千五十六里出銅之山四百六十七出鐵之山三千六百凡以供財用儉則餘奢則不足以男女耕織不奪其時故公家有三十年之積私家有九年之儲

歷代郡縣沿革論

昔堯遭洪水疇土居民始別九州舜肇州十有二說

者八家為鄰三鄰為朋三朋為里五里為邑十邑為都十都為師州十有二師焉蓋州凡四十三萬二千家或曰二百一十國以為州與周禮所謂五黨為州州二千五百家者不同蓋唐虞所謂州畫土以命牧伯也周禮所謂州限民以施教法也周制天子方千里分為百縣縣有四郡凡縣百里郡二十五里故左氏傳曰上大夫受縣下大夫受郡較諸周禮所謂四甸為縣五鄙為縣者又不同按大司徒經土地而



井牧其田野自方里而井積至四甸則方二千里遂人掌邦之野以土地之圖經田野造縣鄙形體之法自五家為鄰積至五鄙則二千五百家蓋周制所謂縣因地設官也周禮所謂縣因田授民也楚子嘗縣陳矣以國為縣其大可知也孔孟所稱葉公費惠公之屬特一縣尹耳下王一等至僭稱公則其大又可知也秦兼天下初置三十六郡以監縣於是郡始大而縣反小漢復十二州孝武皇帝南平百越北却匈

奴置交趾朔方獨不稱州明帝王不相沿襲蓋或以  
羈縻視之不可知云交趾統七郡治蒼梧廣信孝獻  
皇帝建安二年南陽張津為刺史交趾太守士燮表  
言伏見十二州皆稱曰州而交獨為交趾刺史何天  
恩不平乎蓋普天之下可謂十二州者獨不可為十  
三州乎詔報聽許拜津為交趾牧加以九錫彤弓彤  
矢使持節并七郡皆給鼓吹禮樂征伐威震南夏與  
中州方伯齊同自津始也其後交州徙治番禺

建安十五

年復分  
為廣州 晉始有使持節都督荆揚交廣諸軍事之制

是謂軍府梁又開督府于交廣隋制州皆置都督府  
唐因之又置總管府蓋府以領軍得名如帥府幕府  
嶺南五府之例其以名郡則自宋始宋制州有節度  
重鎮者始陞為府為廣南為東西路西路之府惟靖  
江慶遠餘皆為州元制凡府州皆為路路有總管府  
大明興分天下為十三布政司統府府統州州統縣  
有州不屬府而屬布政司者亦有縣不屬府者因道

路遠近相時制宜故也由是言之州始于陶唐州統  
縣縣統郡始于周郡統縣始于秦州統郡郡統縣始  
于漢三國鼎分迄于南北割據置州始多至隋而州  
郡相等唐乃混州郡為一宋始有府猶與州並肩不  
相統然郡之名至是遂廢蓋府即郡也其在于今府  
始大而州益小州蓋與縣等或有反不及縣者矣

古今地名沿革總論

百王制度代有沿革考正寔難而地名同異古今溷

滄尤為難辨者也蓋其山川所屆時各異名而郡邑之名又復非古歲代茲久史傳互見或沿其地而異其名或襲其名而遷其地或以遷其地而革其名此輿地之所以難考也抑嘗討之河東一名也有兖州

之河東有并州之河東

黃河舊道三代以前自宋衛州之黎陽縣近折而北流故

北京及河北東路諸州在河之東即古兖州之域故周禮職方河東曰兖州爰自周定王時黃河舊道漸以湮塞秦漢以還河堤屢壞乘上游之勢決而東下故兖州之域隔在河北而河東之名乃移在并州戰國以來子史中所謂河東之地皆指河西一名也有

宋朝河東路而言之即古并之域也

雍州之河西有涼州之河西

黃河源自崑崙傍積石北流餘二千里至於宋

銀夏之交稍漸而東流不盈十里又折而南流故宋永興軍路鄜坊丹延諸州在河之西而河湟之間鄜涼甘肅諸州亦在河西戰國之際所稱河西地即指鄜房丹延之間而言在雍州之域也西漢以來所稱河西地即指河湟而言古涼州之域也

河南一名也有中土之河南有

邊境之河南河北一名也有中國之河北有僭外之

河北

黃河大勢如覆斗之狀而關中正在斗間而中原遙當如衡故宋之京畿西路在河之南斯中

土之河南也而綏銀勝夏諸州亦在河南即邊境之河南也河北東西路在河之北斯中國之河北也而陰山瀚海之間有秦長城外地亦在河北即僭外之河北也三代以前河南之稱止在中土秦漢而下奪

匈奴南牧之地列為郡縣亦名之曰河南自是河南  
之稱一彼一此不常也陳隋以前河北之稱止在中  
國李唐之初夷突厥之地悉為郡縣亦名之曰河北  
自是河北之稱一彼一此不常也如春秋傳中所稱  
河南河北之地皆指邊境之地而言與前史至不相侔若此之類不可不察也加之百王疆

理代有不同有指一郡而言者有指一州而言者有

指一道而言者

如中土河南之地今古一名而兩漢河南之稱惟指一郡而言即宋西屬

縣兼鄭孟二州之境而已姬周河內之稱則指一州而言即宋東西二京及京西南北路之地李唐河南之稱則指一道而言包古青徐兗豫四州之境奄黃河以南皆是也宋為東西南南三京及京畿四州之地

故周之河內異乎漢之河內

周禮職方河內曰冀州即宋河北東西路地漢

之河內乃古郡宋懷衛二州是已

漢之河東異乎唐之河東

漢河東郡即宋

河中府及慈隰晉絳解五州唐河東道乃宋河東路地

古之淮北乃今之淮南

宋宿亳二州自開國以來至于唐李皆在淮北宋乃移屬淮南

而今之河北乃古之

河東

宋朝河北東路之地三代以前屬河東

以至淮西一名也有在京

東有在京西

淮道自西而東時折而北流故淮北之地間名淮西如漢封劉交為楚正王淮

西則宋京東西路之地也唐裴度身督戰遂平淮西則宋西北路之地

江西一名也有

在江北有在江南

江道自西而東時折而北流故江北之地間名江西而魏志武帝既

稱江西遂空則宋淮南東路之地也晉記稱石勒陷江西壁壘百餘則宋京西南路之地也至五代史稱



鍾傳據有江西乃江南一地也有稱江左有稱江右

今江南西路之地金陵居長江下流前朝有江南者皆都之據金陵而言則江南居左四瀆之流皆自西而東天下之形勢亦然以中原而言則江南之地居右故前史兩稱之山東亦一名也有指河南

而言者有指河北而言者前史有山水之稱者皆據華而言之則其所謂在華

山之東也其地正當河南而稍及河北之近河南者至杜牧之罪言則所稱山東之地專指河北而言也

陝西亦一地也虞夏曰雍州商周曰西土春秋為秦

國戰國稱關中楚漢之際謂之三秦兩漢又名山西

宋列為陝西路而前史又從而稱顯之曰四塞之國

曰陸海之地曰天府之居其名雖異實則同也反以  
三隅他可知已此所謂山川所屆時各異名者也嘗  
考歷代州郡之名多有異同於古之國號如書稱河  
亶甲居相即今之相州也春秋衛侯燬滅邢即今之  
邢州也楚子入陳即今之陳州也齊師滅陳即今之  
陳州也齊師滅萊即今之萊州也楚子圍鄭即今鄭  
州之新鄭縣也齊侯侵蔡即今蔡州之上蔡縣也若  
此類未易槩舉蓋履其地不敢沒其名也然而遷徙

不常考証或踈至有已非其地而空存其名者如春

秋吳師入郢近於今之郢州而非也

古郢城在今之荆南府界去郢

州餘三百里

秦師入滑近於今之滑州而非也

古滑國今在西京偃

師縣之滑氏鎮去

滑州餘四百里

楚人滅舒近於今之舒州而非也

古舒國今在廬州之舒城縣去舒州餘三百里

楚人滅黃近於今之黃州而

非也

古黃國今在邢州定城縣去黃州四百五十里

楚人伐徐近於今之徐

州而非也

古徐州今在泗州臨淮縣之徐城鎮去徐州垂五百里

傳稱兗姓之

戎居於瓜州於今之瓜州而非也

古瓜州地在今沙州去瓜州垂三百

里有西亳南亳北亳而皆非今之亳州也

西亳今在偃師南亳

在穀熟縣北亳在考城縣

有東虢西虢南虢而皆非今之虢州也

東虢在鄭州滎陽縣西虢在鳳翔府虢縣南虢在南陵軍升陸縣

有東楚西楚南楚

而皆非今之楚州也

東楚今蘇州西楚今徐州南楚即今荊州府

夫以州

郡之名既非古昔而縣邑之名抑又乖戾方春秋之

際鄉亭邑聚之名見於經傳者不啻千數而存于今

者百無一二其有地不徙名不更歷代常存用迄于

今如彭城鍾離酸棗長葛諸城才十數而止耳其餘

或名同於古則地改於今故古之酒泉在河南而今

之酒泉在河西

左傳王與虢公酒泉之邑寔在於河南而西漢而下迄於今有酒泉郡乃

間匈奴之地

寔在河西

古之丹陽在荆南而今之丹陽在江東

左傳稱楚子邑于丹陽今在荆南

府枝江縣內今丹陽郡乃潤州也

古之豫章在江北

今之豫章在江南而皆吳楚之境也古之澶淵在河

南今之澶淵在河北而皆宋衛之郊

春秋諸侯會于澶淵實宋古都

所謂澶淵聚者即其地正屬今之幽州而今之澶淵郡乃河北東路之都督府

古之南陽在

河北今之南陽在河南而皆晉地也

左傳晉於是始啟南陽即今之

懷州也而今之南陽郡  
乃京西南路之鄭州也

古之東陽在淮北今之東陽

在浙西而皆吳地也

漢嘗以鄆郡東陽郡行封  
今浙西在吳亦有東陽

夫地

理更乎歷代必至混殺驗其名初無異同考其實則  
為甚異觀者於此幾何而不誤哉愚故曰百王制度考  
政寔艱而地名異同尤為難辨者也

地名異同

左傳注雲夢跨江南北故有南夢北夢 浯水有南

浯北浯北浯在琅琊靈門南浯在九嶷零陵 冀州

之浸曰潞有東潞西潞東潞今之張家灣潞河驛西潞山西之上黨也 東陽今之金華西陽今之黃州

山海經注東甌今之永嘉在岐海中西甌即閩越今

之建安亦在岐海中

山有東吳西吳

西鎮吳山在隴州

水

有東漢水西漢水

見蜀誌

即此數處可見各方地名異

同不可不察

桂林非百粵辨

今之桂林春秋戰國屬楚自楚滅越時越人散處海

濱各為君長今桂林在嶺之北去海二千里與越不相涉東越都會稽閩越都甌冶南越都番禺駱越都交趾蓋百粵之統名在岐海中者是也秦桂林為西越地者以其為南越之屬後趙佗所擊併蒼梧實不與焉即非秦之桂林可知矣五代時劉日晟盡有嶺南西地者二十年時亦僭稱南漢地非越王也終始無越之名何得以百粵名之楚越雖皆有南蠻之畿而其種類自別今越西蠻與武陵九嶷多同者同一



疆界故也

三河三秦三齊三楚三吳三梁三蔡三苗之辨

三河唐堯都河東殷都河內周都河南故稱三河

三秦項羽三分關中地封章邯雍王司馬欣塞王董

翳翟王故稱三秦 三齊謂齊及齊北膠東也 三

楚淮北沛陳汝南二郡此西楚也彭城以東東海吳

廣陵此東楚也衡山九江江南豫章長沙此南楚也

或曰楚文王都郢楚昭王都鄂楚考烈王都壽春故

曰三楚 三吳圖經云漢分會稽為吳與吳興丹陽

為三吳

通典同

水經以吳興吳郡會稽為三吳指掌圖以蘇

常湖為三吳其說不同九修稿云春秋之吳都蘇常

之間漢封之吳都會稽

即蘇常嘉杭非  
紹興之會稽也

三國之吳初

為會稽太守封吳侯即蘇松常鎮杭嘉湖之地備記之

三梁謂南梁大梁少梁 三蔡謂新蔡上蔡下蔡

三苗在堯時為夷地在今日則為中國乃湖廣江

鄂岳之三州故今三州人皆有苗姓



圖書編卷三十二

欽定四庫全書

圖書編卷三十三

明 章潢 撰

都邑總敘

建邦設都皆馮險阻山川者天之險阻也城池者人之險阻也城池必依山川以為固大河自天地之西而極天地之東大江自中國之中而極中國之東天地所以設險之大者莫如大河其次莫如大江故中原

依大河以為固吳越依大江以為固中原無事則居  
河之南中原多事則居江之南自開闢以來皆河南  
建都雖黃帝之都堯舜禹之都於今皆為河北昔皆  
為河南大河故道自碣石入海碣石今晉州也所以  
幽薊之邦冀都之地皆河南地周定王五年以後河  
道堙塞漸移南流至漢元光三年徙從頓丘入渤海  
今濱滄間是也成周以來河南之都惟長安與洛陽  
或逾河而居鄴者非長久計也漢晉以來江南之都

惟有建業或據上流而居江陵武昌者亦非長久計  
也是故定都之君與議都之臣惟以此三都為最此  
三都者皆以江河之險阻為可恃也舍此則唐末博  
士朱朴遷都疏云去已衰之衰就未王之王有取于  
襄鄧之間是或一道若止信在德不在險如宋都汴  
梁一無足恃易曰王公設險以守其國獨不可信乎

歷代帝王所都

大昊伏羲氏今陝西鞏昌府秦州人都河南陳州

炎帝神農氏今湖廣德安府隨州人  
都陳州徙山東  
曲阜

黃帝軒轅氏今陝西中部縣人  
都涿州

少昊金天氏今陝西秦州人  
都曲阜

顓頊高陽氏都今河南開封府杞縣

帝嚳高辛氏都今河南開封府偃師縣

帝堯陶唐氏都今山西平陽府

帝舜有虞氏今山西蒲州人  
都今山西平陽府



夏禹王今四川成都人都今山西平陽府安邑縣

商湯王都今河南歸德州

契初封商後世遷亳西亳湯遷南亳故名曰殷仲丁

遷亳河亶甲遷于相祖乙遷于耿至盤庚復都南亳紂居于朝歌

周武王今陝西岐山縣人都今陝西西安府咸陽縣

秦始皇都咸陽

漢高祖皇帝今直隸徐州沛縣人都今陝西西安府

長安縣

漢光武皇帝今湖廣秦陽縣人都洛陽西晉都洛

東晉宋齊梁陳都建康今應天府

唐太宗皇帝今陝西華陰縣人都西安府徙洛陽

宋太祖皇帝今河陽人都開封府 高宗徙都臨安

今杭州府

元世祖皇帝蒙古人都燕京

明太祖高皇帝都金陵今南京應天府 成祖文皇

帝都燕今京師

# 歷代國都圖

五國城 朝鮮

女直

興中 鮮卑

遼陽

齊曲阜 魯

江都 建業 吳 建康 應天

杭 臨安 浙 趙

閩 福建

北平

大郡 燕 順天 涿鹿

山東 泰山

江西

相 鄴

恒山

曹

汴 梁

河南 鄴

萬山 胎 晉 山

宛 立 陳

武 昌

湖 廣

江 陵

衡 山

廣 東

晉

山西 平陽

清 阪 堂

五 崖 山

胎 晉 山

胎 晉 山

胎 晉 山

胎 晉 山

胎 晉 山

胎 晉 山


廣 西

欽定四庫全書

圖書錄

四

每方千里廣袤萬餘里



卷三十三

輿地都會總考

須彌山是大地骨中鎮天心為巨物如人背脊與項  
梁生出四枝龍突兀四枝分出四界南北東西為四  
派西北崆峒數萬程東入三韓隔杳冥惟有南龍入  
中國胎宗孕祖來奇特黃河九曲為大腸川江屈曲  
為膀胱分枝劈脈縱橫去氣血勾連逢水住大為都  
邑帝王州小為郡縣居公侯其次偏方小鎮市亦有  
富貴居其地與君畧舉大形勢舉目一望皆山河天

下江山幾萬里我見破軍到處是祿存文曲輔弼星  
低小山形總相類只有高山形象殊畧舉大綱與君  
議崑崙山脚出闐顏隻隻都是破軍山連綿走入瀚  
海北風俗强悍人粗頑生兒三歲學騎射骨硬剛方  
是此間山來隴右尖如削盡是狼峯更高卓此處如  
何不出文只為峯多反成濁高山大嶺峯多尖不似  
平原一錐卓行行退卸大散闕百二山河在此間大纏  
大護到函谷水出黃河如玦環低平漸漸出熊耳萬

里平洋漸如砥大梁形勢亦無山到此尋龍何處是  
若無河流與淮水渺渺茫茫不見山河流沖決俱斷  
絕又無石骨又無脈君若到此說星峯一句不容三  
寸舌黃河在北大江南兩水夾行勢不絕行到青齊  
忽起峯兗州東嶽插天雄分枝劈脈鍾英氣聖賢多  
在魯邦中自古英雄出西北西北龍神少人識南龍  
高枝過蔥嶺黑鐵二山雪峯盛分出秦川及漢川五  
嶺分枝入桂連山行有斷脈不斷直至江陰大海邊

海門旺氣連閩越兩兩水夾相交纏北走海門南繳  
絡貨財文武相交錯請君更將舊地覆狼星乳頭巨  
鈴局外縣京師多平洋也有城邑在高岡淮甸州縣  
在水尾夔峽山嶺是城隍隨他地勢看高下不可執  
一拘攣也千萬隨山尋穴形此說斷能辨真假冀州  
壺口洛低下蓋緣輔弼為垣馬太原落處尖似鎗木頭  
兩銳也蓋緣煎破龍最長建康洛在坡平洋蓋緣輔弼  
星為體太垣平垣古戰場熊耳為龍星可詳長安帝



垣星外峙巨武山龍生出勢京師落在垣局中狼星夾  
出巨門龍太行走入河中府入首連生六七存入首  
雖然只是山落處却在回環間此與鍋鈴無以異只  
在大小識形難古人建都與建邑先尋頓伏識龍關  
升虛望楚與陟嶽此是尋頓與山面降觀于桑與降  
原此是尋伏下平田度其夕陽揆以日南北東西向  
無失乃陟南岡景與京此是望穴識龍形相彼北泉  
觀水去涉彼溥原觀水聚或涉南岡與下原是尋頓

伏非苟然吉人卜宅貴詳審經旨分明與後傳

朱子曰冀都是正天地中間好个風水山脈從雲中  
發來雲中正高脊處自脊以西之水則西流入于龍  
門西河自脊以東之水則東流入於海前面一條黃  
河環繞右畔是華山聳立為虎自華來至中為嵩山  
是為前案遂過去為泰山聳於左是為龍淮南諸山  
是第二重案江南諸山及五嶺又為第三四重案  
堯都中原風水極佳左河東太行諸山相繞海島諸

山亦皆相向右河南直至泰山湊海第二重自蜀中  
出湖南出廬山諸山第三重自五嶺至明越又黑水  
之類自北纏繞至南海 河東地形極好乃堯舜禹  
故都今晉州河中府是也左右多山黃河繞之嵩華  
列其前 河東河北皆繞太行山堯舜禹所皆在  
太行下 太行山一千里河北諸州皆旋其趾潞州  
上黨在山脊最高處過河時便見太行在半天如黑  
雲然 上黨即今潞州春秋赤狄潞氏即其地也以其

地極高與天為黨故曰上黨上黨太行山之極高處  
平陽晉州蒲坂山之盡頭堯舜之所都也河東河北  
諸州如太原晉陽等處皆在山之兩邊窠中山極高

濶

伊川云太行  
千里一塊石

山後是忻代諸州泰山却是太行之

虎山或問平陽蒲坂自堯舜後何故無人建都曰其  
地磽瘠不生物人民朴陋儉嗇故惟堯舜能都之後  
世侈泰如何都得 前代所以都關中以黃河左右  
旋繞所謂臨不測之淵是也近東獨有函谷關一路

通山東故可據以為險又關中之山皆自蜀漢而來

長安而盡

他錄作關中之山皆自西而來

若橫山之險乃山之極高

處

橫山皆黃石不生草木

東南論都所以必要都建康者以建

康正諸方水道所湊一望則諸要害地都在面前有相應處臨安如入室角房中坐視外面殊不相應武昌亦不及建康然今之武昌非昔之武昌吳都武昌乃今武昌縣地勢迫窄只恃前一水為險耳鄂州正今之武昌亦是好形勢上可以通關陝中可以向許

洛下可以通山東若臨安進只可通得山東及淮北而已 天下之山西北最高自關中一支生下函谷以至嵩少東盡泰山此是一支又自嶧冢漢水之北生下一支至揚州而盡江南諸山則又自岷山分一支以盡乎兩浙閩廣 大凡兩山夾行中間必有水兩水夾行中間必有山江出岷山岷山夾江南岸而行那邊一支去為江北許多去處這邊一支為湖南又一支為建康又一支為福建二廣 岷山之脈其一

支為衡山者已盡於九江之西其一支又南而東度  
桂嶺者則包湘源而北經袁潭之境以盡於廬阜其  
一支又南而東度庾嶺者則包彭蠡之源以北盡於  
建寧其一支則又東包淞江之源而北其首以盡會  
稽南其尾以盡乎閩粵也 仙霞嶺在信川分水之  
右其脊脈發去為臨安又發去為建康 江西山皆  
自五嶺贛上來自南而北故皆逆閩中却是自北而  
南故皆順 閩中之山多自北來水皆東南流江淞

之山多自南來水多北流故江淅冬寒夏熱荆襄  
山川平曠得天地之中有中原氣象為東南交會處  
耆舊人物多最好卜居但有變則正是兵交之衝

蔡伯靖言山本同而末異水本異而末同西北地  
至高地之高處又不在天之中地有絕處唐太宗  
收至骨利幹直堅昆都督府其地夜易曉夜亦不甚  
暗蓋當地絕處日影所射也其人髮皆赤至鐵勒則  
又北矣極北地之人甚少所傳有二千里松木禁人



砍伐此外龍蛟交雜不可去 通鑑有人造外國夜  
熱一羊胛而天明此是地之角尖處日入地下而此  
處無所遮蔽故常光明及從東出而為曉其所經遮  
蔽處亦不多耳 問周公定豫州為天地之中東西  
南北各五千里今北邊無極而南方交趾便際海道  
里長短夙殊何以云各五千里曰此但以中國地段  
四方相去言之未說到極邊與際海處南邊雖近海  
然地形則未盡如海外有島夷諸國則地猶連屬彼

處海猶有底至海無底處地形方盡周公以土圭測  
天地之中則豫州為中而南北東西際天各遠許多  
至於北遠而南近則地形有偏爾所謂地不滿東西  
禹貢言東西南北各二千五百里不知周公何以言  
五千里今視中國四方相去無五千里想他周公且  
恁大說教好看如堯舜所都冀州之地去北方甚近  
是時中國土地狹想只是畧羈縻至夏商已後漸漸  
開闢如三苗只在今洞庭彭蠡湖湘之間彼時中國

已不能到三苗所以負固不服

東萊呂氏曰關中是形勢之地洛是都會之中欲據形勢須都關中欲施政令須都洛

九峯蔡氏曰河北諸山根本脊脈皆自代北寰武嵐憲諸州乘高而來其脊以西之水則西流以入龍門西河之上流其脊以東之水則東流而為桑乾幽冀以入于海其西一支為壺口太嶽次一支包汾晉之源而南出以為析城王屋而又西折以為雷首又次

一  
支乃為太行又次一支乃為恒山此大河北境之  
山也其江漢南境之山則岷山之脈其北一支為衡  
山盡于洞庭之西其南一支度桂嶺北經袁筠之地  
至德安之敷淺原二支之間湘水間斷衡山在湘水  
西南敷淺原在湘水東北孔氏以為衡山之脈連延  
而為敷淺原者非也

臨川吳氏曰天下之山脈起于崑崙山脈之所起即  
水源之所發也水之發自崑崙者其源為最遠惟中

國之河為然漢之發原於嶓冢江之發原於岷山以  
西視他水亦可謂遠而非極於山脈初起之處則不  
得與河源並也故天下有原之水河為第一古人祭  
川先河後海重其原也



# 唐虞冀都之圖

文獻通考卷一百一十四

圖書錄

十四

此城秦築  
北狄之地



滎水  
山

恒山  
小東河  
西恒河

冀都

大行  
雲面  
查口  
首陽  
柱城

黎水

大黃河

淮水

澶水  
洛水  
大湮

濟水  
洸水

九河

汶水

泗水

冀州龍脊堰黃河不得直趨入海橫之中國遠遼冀  
州西南東蓋河以龍堰而曲流龍以河遠而截住夾  
身則左有小東河右有西恒水南有小南河攔截於  
內而大河經之龍將焉往其他橈棹手足得無名之  
水界畫分明者不可以數計但眼目難檢點墨楮難  
以描畫今姑舉其堂局形勢可想而知也

發揮曰冀州分崑崙之左脈綿亘萬里之遠屈曲出  
夷入貊始回中國而盡於冀州古之帝王其興也以



德而不以力其守也以道而不以地堯舜聖人承襲授受揖讓相遜亦未必慮及風水然聖人之興自合造化聖人所作自為法則風水固不拘而密協于龜卜即天地造化設之自然故易曰王公設險以守其國此理固先天地而有即風水之攸始矣或曰正緣聖人畧於風水冀都要未是大地去處若都於內河之外大河之內如何予曰如此却不合法度冀都如舌西南東三面之地如齒若舍舌而以齒門為可安

排之地其說謬矣中心一舌橫六百餘里自恒山至  
小河八百餘里而西恒水小東河小南河之外其地  
自西而南自南而東自東北而止於海此一大勾股  
曲遠中舌正護龍也此護蓋自本身分出者耳常人  
眩於目前則內外之地在大河之內者方千餘里宜  
其茫不可見也

五髓  
經

魏莊渠曰大地之脈咸祖崑崙而南北二絡最大大  
河出崑崙東北墟屈而東南至積石始入中國此天

下大界水也北絡發於崑崙之陰折而東南行其中  
結為冀都其左結為燕京冀都則恒山發祖龍脈若  
從天降下為平陽而大河三面環遶以絕龍氣天文  
北極不動而衆星拱焉冀都正北南面以臨天下上  
應薇垣此第一都會也堯舜禹由是興焉而後世德  
薄弗能都矣其地表裏山河而四旁多阻朝貢轉輸  
弗便後世人主垂裳無為能如古之人乎吾恐不能  
矣儉嗇無欲能如古之人乎吾恐不能矣夏后氏以

後廢而莫都冀在北邊堯舜盛德遠覆北地皆為要  
荒後世詎能及也北絡極於幽燕而大河至此入海  
與鴨綠會諸島為其下沙此山水一大交會也其北  
崇岡千疊而其前平夷千有餘里泰山聳于南誠國  
家萬年之基也但河徙而南氣不交固今其勢且北  
以害於漕河則障之使南況國家北都燕而遠漕江  
南粟民力易罷地則有遺利矣以漕河故多逆水性  
大河淮濟皆拂經是于天時人事無乃有未盡乎秦

田之變碣石入淪海中中國水口不固世道升降天  
人固相孚也



# 周營洛邑之圖



文正司馬

圖書編

周洛邑乃飛龍格勢手脚本自分明迎送却從外假合也凡大地皆取諸外而不取諸身所謂本身脚手一屈曲縈迴輒五六十里或七八十里故人不見其為脚手也况遠外迎送其得見乎

發揮曰凡大地必有關攔其規模愈大則堂局愈濶堂局愈濶則關攔愈遠故冀州關攔迺在碣石長安關攔迺在荆山洛邑關攔迺在太華蓋如荆山太華等山動占據百千里而手脚支派皆有風水大地非



孤然一山之比碣石亦有石山綿亘在海其深無底  
人不能見所可見者山上之石如婆婆之樹耳滄海  
揚塵陵谷變遷寧有此理此冀以兵戎之迫風水之  
變河溢之患而不可都洛以封建之罷獨守之難而  
不可都惟長安天險實為金城之固天運周流何能  
復觀豐鎬威儀也

魏莊渠曰南絡發於崑崙之東委蛇南行其背為西  
戎其面為中國而其餘氣為南蠻葱嶺突起為祖南


起雪山其東為江源地脈因界為二江以南仍為南  
絡其北別為中絡與大河分為兩界中絡岷山為祖  
自蜀入隴結于初龍則為長安四塞以為固金城千  
里天府之國也結于中龍則為洛陽風雨之所會陰  
陽之所和天地之中也南絡傳大江放於海北絡傳  
大河放於海惟中絡止於嵩高其前平夷凡幾千里  
而泰山特起東方張左右翼為障以天下大勢言之  
長安龍首穴也洛陽龍心穴也茲其大龍之腹乎古

之神聖多起於東土宋都大梁亦在龍腹而國勢弱者汴垣無備其勢必重兵民力坐而困矣余嘗至洛陽相其形勢熊耳祖龍發自終南遠則太行為後托進則嵩高為左障然終南自為長安前朝太行亦為平陽左障嵩高雖迴障洛陽而大情自欲東出與萬里平原作祖然後默識天道之公大地相為句連其融結非一處王氣發久而歇又轉而之他帝王有德而興無德而亡世不一姓宇宙所以無窮也

|  |  |  |  |  |  |  |  |  |
|--|--|--|--|--|--|--|--|--|
|  |  |  |  |  |  |  |  |  |
|--|--|--|--|--|--|--|--|--|

# 秦都咸陽之圖

欽定四庫全書



圖書編

三

秦都咸陽非長安之正以宮屬渭跨渭為飛橋複道以象天闕道而屬阿房如驪山溫泉又長安之支龍也長安之下則有岐梁荆諸山為托澧涇漆沮河水界限為衛以高臨卑百二之固沃壤千里可以積儲此秦所以能併吞六國至今為天府也

發揮曰咸陽之地龍合之玄格左右前後諸山包護天造地設以為大城郭而渭水浸漑地高而田衆今長安又在咸陽之左乃得其正即咸陽舊基則接龍

者也即長安今址則盡龍者也其龍則發于崑崙經  
回黑水綿絡正河橫山始起祖宗轉縈貂澤自西而  
東盡于雍州之地此易所謂天險不可升地險山川  
丘陵王公設險以守其國者然耳洛邑居天下之中  
為大龍之腹四望平夷近則熊耳居其右取諸遠則  
上洛在其西大華在其東終南惇物在其北內方則  
在河南周公所取制天下之中耳猶腹為人身都會  
之所也以水而言則洛水自西而經其前瀍澗界其

東汾水黎水遠其後伊水陳其西面如平洋無蔽有德者易以興無德者易以亡如以風水言之則瀍澗伊洛界限分明其進送護衛不取諸身而取諸外耳但今之洛陽非周之洛邑亦非周居頑民之洛陽居頑民在洛水之陽伊水之地東都洛陽在河南又隔伊水周洛邑最合風水法度後人不敢居者周家封建諸侯東西南北皆我守衛侯國滅而後能及於周故以秦之強又以無道行之不滅六國周不可併也後



世罷封建而制郡縣所守皆須自備故力有不及則  
難於守若立國於河南有諸水在後而地方之備差  
完然終不如長安可恃今之西京即周公所卜澗水  
東瀍水西而墨食者亦可立京畿之地蓋下有太華  
一臂力量甚重洛邑則又添得西京一臂也然無太

華亦非京邑之地


玉髓  
經

武夷熊氏曰雍州秦地周之岐豐鎬京漢之三輔皆  
此焉婁敬謂金城千里天府之國合天下形勢言之

秦得百二實以據地勢之上游當天下之要脊四塞  
以為固全一面之險以東制諸侯故言定都必先馬  
但其地迫近邊垂周秦漢唐世有外患必盡陰山唐  
三受降城靈夏河西五都為塞乃可爾

# 冀都規模大勢

北距長城依山為塞



古者京畿為歷代帝王所都得名於萬世者莫如冀  
州其次莫如秦雍其次莫如洛邑今洛陽非周洛邑  
也冀州之地右則西河左則東河前則南河逾河而  
為壺口近河而為覃懷入河而為衡漳以古都言之  
則三面距河一面背山其發龍於崑崙而大盡于此  
所背恒山相距甚遠逶迤而下其平如砥方廣千里  
其手足橈棹之可見然夾水之外皆有名山巨鎮迎  
送護衛但堂局寬濶非凡俗所能檢點耳

玉體  
經

京畿之地在虞氏為幽州域在禹貢為冀州域黃帝  
都幽州之涿鹿堯舜都冀州之蒲坂我成祖遷都於  
燕京蓋復黃帝堯舜之故都於千八百年之後左環  
滄海右擁大行北枕居庸南襟河濟形勝甲于天下  
蘇秦所謂天府百二之國杜牧所謂王不得不王之  
地也

帝都總論

已上建都之地其槩如此唐虞之都以河溢為患周

洛邑以備守之難大梁平夷無險臨安僻處一隅金陵形勝雖優而垣氣多泄兩淮龍氣大盡而地勢卑下東魯中幹最尊而已鍾孔聖且今河水穿龍皆非建都之宜他如武昌成都等處則又不足論矣故惟我京師為上而關中次之東漢所都之洛又次之餘非愚之所能知也雖然在德不在險聖帝明王皆以道化天下未必恃其地之美而已馬史記魏武侯浮西河而下中流顧謂吳起曰美哉山河之固魏國之

寶也起對曰在德不在險昔三苗氏左洞庭右彭蠡禹滅之桀之居左河濟右太華伊闕在其南羊腸在其北湯放之紂之國左孟門右太行恒山在其北大河經其南武王殺之君不修德舟中之人皆敵國也武侯善之愚謂君子不以人廢言起雖不足道若斯言者誠亦確論苟不以德則秦隋亦嘗都雍之關中金元亦嘗都冀之燕京矣風水之美形勝之固何獨不驗於彼哉是故形勝風水之說在於地固有國者所

當擇而禍福得喪之機存乎人尤有國者所當修省  
矣洪武初御史胡子祺上書請都關中其畧曰天下  
形勢之地可都者四河東地勢高厚控制西北堯嘗  
都之然其地苦寒江淮士卒不便汴梁襟帶河淮宋  
嘗都之然其平曠無險可守洛陽周公嘗卜之周漢  
嘗遷之然嵩印諸山非有穀函終南之固瀍澗伊洛  
非有涇渭灃澆之雄故惟關中據百二山河之勝可  
用以建都者莫此若也



王氏鏊曰自古中原無事則居河之南中原多事則居河之北自然之勢也成周以來河南之都惟長安洛陽江南之都惟建康其次則有襄鄧唐朴之議曰襄鄧之西夷漫數千里其東則漢興鳳林為之關南則荆潭環屈而流屬於漢西有上洛重山之險北有白崖聯絡誠形勝之城沃衍之墟若廣陵河渠漕輓天下可使大集此建都之極選也雖然皆未有燕冀之形勢豈非天遺其勝以貽我朝萬世帝王之業乎

周諸侯國都

魯都曲阜

魯本少皞摯居之謂之少皞之墟又大庭氏居之魯于其上作庫故為大庭氏之庫

至周成王以周公之功而封伯禽於此其地本名魯乃作都於曲阜宋祥符中改曲阜為仙源今隸兗州

齊都薄姑遷於營丘

齊本顓頊之墟營丘今臨淄薄姑亦謂之蒲姑在其西北 宋

都商丘

杜預云梁國睢陽縣按睢陽隋改為宋城本陶唐氏之火正閼伯之墟相土因之武王伐

紂封武庚于邺武庚叛成王殺之改封紂兄微子啟于宋以為商後故謂之商丘

衛都朝歌

及懿公為狄所滅宋桓公迎衛之餘民渡河立戴公

以盧于曹後齊桓公城楚丘而居文公馬至成公又

遷於帝丘

朝歌故城在汲縣西二十里本紂故都曹亦作漕今滑州白馬是也楚丘今澶州城

武帝丘本顓帝之墟故曰帝丘夏昆吾氏居之今澶州濮陽縣鄭都本西周畿內之

地周宣王以封母弟桓公友及幽王有犬戎之變鄭

武公遂遷於濟洛河潁之間謂之新鄭

故鄭今華州鄭縣新鄭即

今之榮陽晉都唐謂之夏墟大名也本堯所都謂之平陽

成王封母弟叔虞於此初謂之唐其子燮立始改為

晉以有晉水出焉其地正名翼亦名絳而平陽者是

其總名及昭侯立封其叔父于曲沃後武公滅翼遂

有晉都至景公遷于新田

唐今定州唐縣平陽今絳州翼今絳州翼城曲沃今

絳州縣新田一名絳今絳州縣

楚都丹陽成王封熊繹以子男之田

至熊達始盛強僭稱王遷都于郢昭王為吳所滅遷

于郢楚本立荆至成王頹始改號楚

丹陵今江陵枝江縣郢江陵縣

北十餘里郢今襄陽宜城縣東楚州懷王孫心所都

秦周孝王封非子居于秦

谷至襄公赴幽王之難以兵助送平王故平王與之

以岐豐之地列為諸侯莊公居犬丘文公居汧渭德

公遷于雍獻公遷櫟陽孝公乃遷咸陽

秦谷故隴西縣秦亭是也

沂渭今隸隴州犬丘今興平縣雍今鳳陽治咸陽今皆為縣隸永興軍

虞都虞

今平陸縣東北

有故

虞城 吳都吳

即今蘇州

虢都上陽

在鳳翔縣

曹都曹

即今定陶

許都

許後遷於葉又遷于城父又遷于白羽又遷于容城

許今許州白羽一名析鄧州浙川是或云內鄉是容城華容縣是

邾都邾

今兗州邾城是

莒

都莒後遷鹽官故謂之南莒

今密州縣

紀都紀遷於劇

紀本

東海即贛榆紀城劇在臨朐縣東壽光縣西

滕都小邾遷于公丘

小邾即滕縣公

丘今兗州龔丘

薛仲虺之都本在魯地奚仲遷于邳

今徐州有薛城

吳州都淳于後遷華容

淳于即今高密華容今監利

蔡在畿內之

地以為蔡叔之采邑至蔡仲改封汝南遷州來則以

州來為下蔡汝南為上蔡蔡州上蔡縣西南州來即下蔡縣徐都臨

淮今泗臨淮有徐城葛都甯甯陵縣故甯城是越都會稽即越州城陳都

宛丘今陳州治本大吳之墟南燕都胙胙城隸滑州遂都乘丘今齊州治

譚都譚歷城縣有古譚城管都管鄭州管城是鄆都鄆新鄭東城有古鄆城

戴都戴開丘縣有戴城任都任今濟州有任城宿都無鹽在鄆州須城東須

句都須胸遷於須昌壽昌縣西北有須胸城須昌今鄆州舒城也顓臾都

費沂州費縣有故顓臾城鄆都鄆今沂州承縣東有鄆城向都向今沂州古向城

郟都開陽

在臨沂縣北

蕭都蕭

徐州蕭縣

頓都南頓

今陳州南頓縣

息

都新息

今蔡州新息縣

沈都平輿

在汝陽縣東

項都項城

項城縣東北有

故項城

隨都隨

今隨州

鄧都鄧

襄陽鄧縣界

夔都夔

歸州東有故夔子城

北燕都冀

幽州治

邢都襄國

今邢州治

梁都新里

同州下陽有新里城

韓都韓城

在韓城縣南

魏都魏城遷於大梁

今陝州平陸有魏城大梁

即開封

趙都趙城遷于平棘

趙城今隸晉州縣平棘趙州

邙都邙

武王

封季戴今雷澤北有故邙城

郟都郟

今單州成武有二郟城

應都葉

汝州葉縣有故

應城耿都耿

在河中府龍門縣南

蔣都期思

在光州固始西北

申都申

今信

陽軍 呂都呂蔡州有古呂國 焦都焦陝州東北 霍都霍今晉州有霍邑 陽都

陽洪洞縣東南有故陽城 冀都冀今河中有冀亭 芮都芮臨晉縣有芮鄉 賈都賈蒲城縣有

賈城 荀都荀在絳州西 黎都黎洛州黎城縣有黎侯故縣 邠都邠野王縣西有故邠城今懷州治

周四裔都附

戎都戎城陳留濟南縣東南有戎城 夷都夷安即夷安縣 介都黔諸城

縣 根牟都安丘今密州安丘 萊都黃登州黃縣有故黃城即萊子國

歷代國都歌

若攷國都地理要書契以前難論究自從太昊伏羲



來歷代國都方可攷伏羲建都還在陳神農都陳徙  
曲阜黃帝涿鹿以為都曲阜為都是少昊顓頊帝丘  
高辛亳堯平陽舜蒲坂道夏都安邑商都亳仲丁徙  
囂亶甲紹亶甲徙相祖乙耿盤庚復亳周武鎬成王  
以鎬為宗周還徙東都會諸侯平王徙向東都建秦  
都咸陽關中漢東漢洛陽後漢益曹魏鄴都以洛換  
孫吳東晉宋齊梁與陳六朝都建康西晉後魏洛陽  
置東魏北齊徙鄴鄉西魏後周隋文帝建都長安至

煬皇或如江都或如洛還向江都覆所將唐都長安  
昭徙洛遼平五代金汴梁宋都汴徙杭閩廣元立大  
都自北方大明太祖鳳陽起定鼎應天置都位成祖  
遷都今順天上攷歷代國都全

論帝都

夫地理之大莫先於建都立國稽之古先哲王將營  
都邑罔不度其可居之地以審其吉凶如公劉將居  
豳也其詩曰于胥斯原大王將居岐也其詩曰聿來

胥宇武王將居鎬京其詩曰宅是鎬京成王將營洛邑  
書曰召公既相宅衛文公將營楚丘其詩曰升虛望楚  
見於經者如此則宅都誠不可不重也雖然子微有  
云帝王之興也以德而不以力其守也以道而不以  
地堯舜聖人承襲授受揖讓相遜亦未必慮及風水  
之說但聖人之興自合造化聖人所動作為法則風  
水固不拘而密協于龜卜即天造地設之自然者也  
故易曰王公設險以守其國此理固先天地而有即

風水之攸始矣今將歷代所都錄以補考云

論北龍帝都垣局

北龍有燕山即今京師也以燕然山脈盡於此故曰  
燕山昔燕昭王築黃金臺以招賢者故又稱金臺古  
冀州地舜分冀東北為幽州故又謂之幽都按丘文  
莊公大學衍義補云虞夏之時天下分為九州冀州  
在中國之北其地最廣舜分冀為幽并營故幽與并  
營皆冀境也楊公云燕山最高象天市蓋北幹之正

結其龍發崑崙之中脈

以內外共視為中脈蓋鴨綠江外有大幹為護矣

綿

亘數千里至于闐歷瀚海之玄屈曲出夷入貊又萬

餘里始至燕然山以入中國為燕雲

北京為山前曰燕大同為山後

曰復東行數百里起天壽山乃落平洋方廣千餘里

遼東遼西兩枝闕截黃河前遼鴨綠後纏而陰恒太行諸山與海中諸島相應近則灤河潮河桑河易河并諸無名小大夾身數源界限分明以地理之法論之其龍勢之長垣局之美幹龍大盡山水大會帶黃

河辰天壽鴨綠纏其後碣石鑰其門最合風水法度  
又按衍義補云朱子語錄冀都天地間好個大風水  
山脈從雲中發來前面黃河環繞泰山聳左為龍華  
山聳右為虎嵩山為前案淮南諸山為第二重案江  
南五嶺諸山為第三重案故古今建都之地皆莫過  
於冀都就朱子所謂風水之說觀之謂無風以散之  
有水以界之也冀州之中三面距河處是為平陽蒲  
坂乃堯舜建都之地其所分東北之境是為幽州太

行自西來演迤而北綿亘魏晉燕趙之境東而極于  
醫無閭重岡疊阜鸞鳳峙而蛟龍走所以護擁而圍  
繞之者不知幾千萬里也形勢全風氣密堪輿家所謂  
藏風聚氣者茲地實有之其東一帶則汪洋大海稍  
北乃古碣石淪入海處稍南則九河既道所歸宿之  
地浴日月而浸乾坤所以界之者又如此其直截而  
廣大焉按此皆以風水之美言之也若以形勝論之  
則幽燕自昔稱雄左環滄海右擁太行南襟河濟北

枕居庸蘇秦所謂天府百二之國杜牧所謂王不得  
不可為王之地楊文敏謂西接太行東臨碣石距野  
亘其南居庸控其北勢拔地以崢嶸氣摩空而崩方  
又云燕薊內跨中原外控朔漠真天下都會桂文襄  
公謂形勝甲天下辰山帶海有金湯之固蓋真定以  
北至于永平關口不下百十而居庸紫荆山海俱關隘  
喜峯古北黃花鎮俱口險阨尤著會通漕運便利天  
津又通海運誠萬世帝王之都自昔之都燕者始於



召公諸侯也金元乃雜霸之氣皆不足以當其大惟  
我皇明得國之正同乎堯舜拓地之廣過於漢唐功  
德隆盛上足以當天心下足以乘地氣真萬世不拔  
之洪基而議者乃謂北太近邊距塞不二百里無藩  
籬之固而天子自為之守然不知今之北門管鑰為  
急倏忽來去邊備須嚴若畿甸去遠而委守將臣則  
非居重馭輕之道故我成祖文皇帝睿意建都於此  
良謨遠猷豈凡愚之所能及哉然當時未必談及風

水之說而默契若此是蓋聖王之興動自合法而天地造化有自然相符之理耳抑論堯舜禹三聖之都皆北龍今我朝家畿甸亦北龍而形勝與夫風水法度又皆邁之宜其駕唐虞追三代全盛如此是固我列聖之峻德神功鴻休盛烈之不可及然地理之應亦或然也愚何幸躬逢其盛北龍之次有平陽蒲坂安邑亦冀境乃堯舜禹所都之地按朱子曰河中地形極好乃堯舜禹故都今晉州河中府是也左右多

山黃河遠之嵩河列其前又曰河東河北皆繞太行  
山堯舜禹所都皆在太行山下又曰上黨太行山之  
極高處平陽蒲坂山之盡頭堯舜之所都也又曰堯  
都中原風水極佳右河東太行諸山相繞海島諸山  
亦皆相向右河南繞直至泰山溱海第二重自蜀中  
出湖南廬山諸山第三重自五嶺至明越又黑水之  
類自北纏遠至南海此皆以其大形勢而言之也宋  
國師張子微曰河中之地右則西河左則東河前則

南河逾河而為壺口近河而為覃懷入河而為衡漳  
三面距河一面背山所背恒山相去甚遠逶迤而下  
其平如砥方廣千里夾水之外四面皆有名山巨鎮  
迎送護衛但堂局寬濶非凡俗所能檢點若兩腋無  
水夾截即是水不交會大龍如何得住故夾身之左  
有小東河右有西恒水南有小南河關截於內而大  
河經之龍將焉往其他撓掉手足得無名之水界夾  
分明者又不可以數計眼目難於檢點舉其堂局形

勢可想而知此則以其親切者而言之也是故河中  
誠亦天地間大都會而堯舜禹三聖人以道化天下  
後世罕及雖聖人巍莪未必係於風水然天造地設  
自然默契之理有不可誣者但今河水為患風水變  
遷無復可都矣蓋河源於崑崙星宿海又入地伏流  
不見其派者凡數百里禹之所導始於積石初不曾  
窮河源也河至於此其勢橫放衝溢外則涇渭沮之  
會于渭汭又有伊洛瀍澗汾黎之會于底柱所泄惟

汝泗二流內則淮濟內河滹沱恒絳從而益之至於九  
河逆河勢雖遠而逾盛故有河患非人之之所制者  
是以河決之患三代已然自漢唐宋元及今頻年衝  
決而沿河之民淪於魚鱉況可都乎

論中龍帝都垣局

中龍有關中曰豐曰鎬曰咸陽長安皆今陝西地通  
曰關陝古雍州也楊公云關中原是太微垣又曰長  
安落在垣宿中蓋中幹之尊也其龍發於崑崙由黑

水綿絡西河橫出始起祖宗轉縈豸澤自西而東盡  
於雍州宋國師張子微曰長安之龍起於橫山其山  
皆黃石綿亘八百餘里不生草木及至雍州之地涇  
水出安定在雍州之西自西而南入渭水而北是為  
渭汭水出鳥鼠同穴而為雍州之西山至涇水所屬  
之地則為北惟此依山挾水號為天府之國又曰秦  
咸陽非長安之正以宮屬渭跨渭為飛橋複道以象  
天闕道而屬阿房如驪山溫泉又長安之枝龍也長

安之下則有岐梁荆諸山為托澧涇漆沮河水界限  
為衛蔡文節公曰咸陽之地龍合之玄格左右諸山  
包護此皆謂其風水之美也若以形勝言之則婁敬  
所謂披山帶河四塞為固張良所謂左穀函右隴蜀  
沃野千里南有巴蜀之饒北有胡苑之利阻三面而  
守獨以一面東制諸侯乃金城千里天府之國者是  
也故史稱關中阻山帶河四塞之險東有函關西有  
散關南有武關北有蕭關呂成公亦謂關中是形勢



之地欲據形勢須都關中柱文襄公謂其山河四塞  
形勝甲于天下易曰天險不可升地險山川丘陵王  
公設險以守其國惟此為然耳故關陝之地形勝全  
龍局美王氣攸萃而文武周公列聖篤生自文王都  
岐徙豐武王遷鎬京成王實都于鎬以據天下形勢  
當西周全盛時特往來朝諸侯於洛邑至平王避犬  
戎始遷都洛陽號曰東周則周日微弱而雍州王氣  
為秦得之蓋秦先世有非子者善育馬為周孝王主

馬馬大蕃息分土為附庸邑之秦歷三世至秦仲始  
大歷莊襄夫戎殺周王襄公救周有功封為諸侯賜  
以西周畿內八百里之地秦即其地日以強盛兼併  
天下統一區宇然無功德肆暴虐不足以當其王氣  
之大漢興以婁敬張良之議遂因其故都都之傳十  
二帝歷二百一十四年其後唐又都之傳一十八帝  
歷二百六十九年宋人亦嘗議欲都此而以橫山未  
入版圖故都大梁以經營橫山蓋橫山當宋時諸戎

所依為戎夏必爭之地不得則不可都故爾丘文莊  
公曰秦地披山帶河四塞以為固所謂金城千里天  
府之國得天下之百二者也周人初起於邠繼都豐  
鎬天下形勢之地蓋莫有過焉者也至平王東遷而  
棄其地與秦秦地始大戰國之世山東之國六而秦  
居其一六者為縱而獨為衡焉卒能以少制衆併而  
有之非獨人力蓋亦地勢也自高帝用婁敬言西都  
關中後世言形勝者必歸焉唐起晉陽亦居於斯自

宋人都汴之後王氣消歇者五六百年於今矣詳究文莊茲論各有所見而議者乃謂漕運不便然不知周與漢唐各數百年而其儲積豈無其道且禹貢著雍州厥田惟上上史稱沃壤千里可以儲貯而秦號富彊顧所處之何如耳大抵雍州非直形勢險固風水融聚為美已也且其水深土厚民性質樸易於從化尤為可嘉朱子曰岐豐之地文王用之以興二南之化如彼其忠且厚也秦人用之未幾而一變其俗

尚氣槩先勇力忘生輕死悍然有招八州朝同列之  
氣其故何哉誠以雍州土厚水深其民重厚質直無  
鄭衛驕惰浮靡之習以善導之則易興起而篤於仁  
義以猛驅之則其強毅果敢之資亦足以彊兵力農  
而成富彊之業非山東諸國所及也後世欲為定都  
立國之計誠不可不監乎此而於導民之路尤不可  
不慎其所之旨哉言乎

中龍之次有洛陽即周營洛邑之地也前值伊闕後

據邛山左瀍右澗洛水貫其中以象河漢此紫薇垣局也張子微曰洛邑是飛龍格勢脚手本自分明迎送却從外假合凡大地迎送皆取諸外而不取諸身所謂本身脚手一屈曲縈迴輒五六十里或七八十里故人不見其為手足况遠外迎送其得見乎此其平夷之地一望無際惟審其水源而後識之也然洛居天下之中為大龍之腹四望平夷近則熊耳居其右西京在其左取諸遠則上洛在其西太華在其東

終南博物在於北內方則在河南周公所以取制天下之中猶腹為人身都會之所也以水而言則洛水自西而經其前瀍澗界其東汾潒遶其後伊水陳其面最合風水法度但以形勝論之則平夷無險四面受敵故周營洛邑特以宅中圖治道里適均之故乃於此朝會諸侯非建都也按大學衍義陳大猷曰成王實都鎬京特往來朝諸侯祀清廟於洛故鎬京謂之宗周以其為天下所宗也洛邑謂之成周以周道

成於此也洛邑天下之至中豐鎬天下之至險成王於洛邑定鼎以朝諸侯所以承天地中和之氣宅中以蒞四海其示天下也公於鎬京定都以壯基本所以據天下形勢據上游以制六合其慮天下也遠誠哉言也後平王避犬戎徙都於洛則周室日衰馴至不可為矣漢初高帝亦欲都洛以婁敬張良之言都於關中光武中興始於洛建都謂之東都洛陽却在周都河南又隔伊水有諸水在後而地方之備差完



頗為可取然皆平洋無蔽有德易以王無德易以亡  
不可用也故東周都洛而能延數百年之久者誠以  
文武之德民不忍忘故爾溫公歷年圖曰周自平王  
東遷日以衰微至於戰國又分而為二其土地人民  
不足以比疆國之大夫然天下猶尊事之以為共主  
綿綿然久而不絕其故何哉文武之德植本固而發  
源深也不然以區區數邑處於七暴國之間一日不  
可存況於數百年乎此確論也

中龍之又其次者有汴梁其龍自熊耳至此平坦萬里天河在其北淮河在其南亦天死垣也五代梁唐晉周皆都於此而年代不永宋都之傳九帝歷一百六十七年而南遷臨安是時汴在河之南猶差可取今河水衝決而在於河之北無復當時風水形勝耳

舊說黃河在開封城北四十里宋元以來河徙穿淮

馴及我朝洪武二十四年河決原武東經開封城北

五里又南行至項城經潁川以入淮而黃河故道遂

淤正統十三年又決滎陽過開封城之西南而城北

之西河又淤自是汴梁城在河之北龍脈

經河穿壞形勝亦無河遠可恃不可用也

論南龍帝都垣局

南龍有金陵即今之南畿我太祖高皇帝建都之地也戰國楚威王時以其地有王氣埋金以鎮之故稱金陵漢改曰秣陵吳曰建業晉曰建康其形勢前輩與洛陽同廖氏云建康形勢洛陽同王氣古云鍾蓋紫薇垣局南幹之盡也蘇伯衡謂劉迪簡云金陵地脈自東南遡長江而西數百里而止其止也蜿蜒磅礴既翕復張中脊而下降為平行所謂土中於是乎

在西為鷄籠覆舟諸山又西為石頭城而鍾山峙其東大江迴抱秦淮玄武湖左右暎帶兩淮諸山合沓內向若委玉帛而朝焉諸葛孔明謂鍾山龍蟠石城虎踞真帝王之都昔始皇見金陵有王氣東遊以壓之其後三國吳都之傳四世東晉又都之傳十一世歷百餘年南朝宋齊梁陳南唐皆都之而年代不永蓋以其雖合垣局而垣氣多泄故爾楊筠松云長江環外有三結垣前水中列垣中已是帝王都只是垣

城氣多泄是也若以形勝論之則江限南北古今恃  
為天險朱子曰東南論都必要都建康者以建康正  
諸方水道所湊一望則諸要會地都在面前有相處  
劉誠意伯謂襟帶長江勢甚險固桂文襄公謂金陵  
江北則有徐穎二州地跨中原瓜連數省並稱雄鎮  
為藩籬有控扼之勢江南則有安慶當長江委流西  
控全楚為江表門戶按諸君子所論形勝是誠英雄  
用武之地可以駕馭四方號令天下而興王業者我

太祖高皇帝以之定鼎良有見也但以地理家言之  
雖合紫薇垣局奈垣氣多泄故成祖文皇帝再建燕  
京為萬世不拔之基豈偶然哉蓋天眷皇明故二祖  
動即合法而初非有意於地理之說耳南龍之次有  
臨安今浙江杭州府其龍脈自天目山分入錢塘而海門有  
龕赭二山在中郭景純記云天目山前兩乳長龍飛  
鳳舞到錢塘海門更點巽峯起五百年間出帝王經  
云海門環合似天市天目天池生侍衛萬里飛來垣

外挹海外諸峯補垣氣廖氏云大江以南天目峙海  
門似天市故臨安亦天市垣耳若以形勝論之則僻  
處一隅爾朱子謂如入屋角房中坐視外面殊不相  
應宋高宗南遷建都於此其卜相京畿國師吾邑傅  
公伯通也有臨安行在表謂其地只可駐蹕不宜建  
都不過偏安之地且主奸相弄權武臣多咎後宋竟  
未能恢復而奸相如秦檜賈似道諸人不忠皆操弄國  
柄武臣多不善其終果符傅公之言

古今都會總論

班孟堅著漢史敘列國之地各有都會蓋謂其財貨之所阜水陸之所湊山河之所襟帶足以指臂四域冠履一方而獨隆者也夫土地腴瘠道里遠近山川夷險皆一定而不可易者則名都要會之所宜古今之所同也然而興廢隨時升降不一郡方都會代有不同前王之所升者或後王之所廢今之所重者乃古之所輕如宋北京古之元城縣也

西漢時已有元城縣應劭以為



即魏公子  
元之食邑  
自有書契以來逮夫隋唐之交兩河變故

實多其王霸之所重督帥之所治戰爭守城不免前

史載之詳矣初未聞所謂元城者當時河朔都會代

有所或稱濮陽宋朝開德府即古之帝丘焉乃高陽及昆吾氏之墟春秋魏國常遷

于此或稱朝歌宋朝衛州黎陽縣鎮商自武丁已後至紂都之周初衛國亦都于此或稱

邯鄲宋朝磁州邯鄲縣戰國趙營建都于此或稱襄國宋朝邢州即漢襄國縣也西楚

常山王張耳後趙石勒皆都之春秋時謂之夷儀即邢所遷也古謂之邢商帝祖乙遷於邢即此也

或稱鄴城宋朝相州臨朝縣之鄴鎮商帝河宣甲曹魏後趙前燕東魏北齊皆都之或稱

中山

宋朝定州戰國時中山國都後燕慕容垂亦都之

斯六城者屹然據趙

代之間古今更相倚以為重豈元城之足云哉李唐

之季魏州始稍隆重更五代至于宋朝形勢益壯遂

建上京而歷代所稱六城者反蔑然無聞矣夫鄴城

一地也而始建為都又降而為州

後周降為相州

又降而為

縣

後周又移州為安陽縣

降而為鎮

宋朝熙寧中省鄴縣為鎮入臨漳縣

何其前

重而後輕也元城亦一地也始建而為縣又升而為

郡

曹操就置武門郡

又升而為州

後周就置魏州

又升而為府

唐升為大

都督府

又升而為京

宋朝慶厯二年升為北京

何其前輕而後重也

夫土壤腴瘠山川夷險古今不殊而前後輕重若此是不無其說也易曰田疇之蕪治城池之修廢民物之聚散甲兵之利鈍風俗之美惡皆在人事如何耳此非地利所能移也人事既有工拙而形勢輕重亦隨時而遷矣歷觀往古皇帝王霸之都興廢無常類皆如此豈惟鄴城而已哉試因此而備論之三皇五帝三王之都十有二

曰陳宋朝陳州伏羲所都曰曲阜宋朝改為仙源縣隸龍慶府

神農少昊所都曰涿鹿宋朝燕山府黃帝所都曰新鄭宋朝鄭州新鄭縣即古之有熊氏也黃帝所都曰帝丘宋朝開德府高陽所都曰亳宋朝西京偃師縣帝嚳成湯所都曰安邑宋朝澤州安邑縣帝禹皆都  
是曰平陽宋朝晉州唐堯所都曰蒲坂虞舜氏都曰陽翟宋朝潁昌府陽翟縣夏禹所都曰豐曰鎬豐在宋朝京兆府之西北靈臺鄉豐水上鎬在昆明池北鎬坂上相去纜二十五里周文王都豐武王都鎬

至春秋戰國時為大國之都者才五城而已

曰曲阜魯曰安邑

曰新都

春秋戰國之時大國之都十有七

曰曲阜魯曰新

安韓國都曰安邑魏國都曰陳楚自鄴徙於此曰薊即涿鹿也燕國都曰吳宋朝平江府吳國都曰絳宋朝涿州絳縣晉國都曰雍宋朝燕府秦國都曰郢宋朝荆南府江陵縣地楚國都曰睢陽宋朝國都曰臨淄宋

朝臨淄縣齊國都曰會稽宋朝越州越國都曰邯鄲  
趙國都曰大梁魏自安邑遷于此曰壽春宋朝壽春  
府之壽春縣楚自陳徙于此曰櫟陽宋朝京兆府之  
櫟陽縣秦自雍而徙于此曰咸陽宋朝京兆府之咸  
陽縣秦自櫟陽遷于此  
至西漢之初為藩王之都者才三城而

已曰邯鄲曰臨淄曰薊西漢之初為藩王之都十有四曰邯鄲曰臨淄曰薊

曰臨淄齊國都曰薊燕都曰許宋朝徐州楚王劉交  
所都曰下邳宋朝淮陽軍楚王韓信所都曰定陶宋  
朝興仁府之定陶縣梁國都曰晉陽宋朝平定軍韓  
國都曰丹徒宋朝鎮江府荆國都曰廣陵宋朝揚州  
吳國都曰臨湘宋朝嶽州臨湘縣長沙國都曰番禺  
宋朝廣州南越國都曰代晉魏以後夷狄侵其都代  
國都曰閩宋朝福州閩越王都  
至魏晉南北之時為王霸大國之都

者一城而已

也

是魏晉南北之時王霸大國之都者

十有七

曰 薊前燕國都曰許宋朝穎昌府之許昌縣魏太祖奉漢獻帝都于此曰鄴注已見前曰

公安蜀先主初治于此曰成帝宋朝成都府蜀王李特譙縱皆都于此曰武昌宋朝鄂州吳國孫權宛都乎此曰秣陵宋朝建康府吳晉宋齊梁陳皆都之曰洛陽宋朝西京曹魏皆都之曰平陽後漢劉聰都之曰襄國後趙都之曰廣固宋朝青州益都縣南燕都之曰中山宋朝宋州後燕都之曰江陵宋朝荆南府元都都之曰統萬宋朝夏周赫連夏都之曰平城宋朝雲中府拓拔魏都之曰柳城宋朝營州前燕後燕北燕皆都之

至隋唐五季之時為王霸僭竊之都者總六

城而已

魏鄭隋唐後漢石晉皆都之洛陽隋唐皆都之長安前蜀後蜀皆都城都偽燕遼國皆都

之吳南唐皆都建康偽  
梁南平皆都江陵

唐去宋為甚近也而唐時三

都存于宋朝者一而已東都洛陽是也其西都則降  
為京兆府其北都則廢為平定軍而宋朝四京因于  
唐者一而已東都洛陽是也餘三京則皆當時之郡  
治耳夫以數十年之間其興廢之驟也如此矧以悠  
悠往古而較於今是必有大不相侔者矣夫然後知  
地無常重亦無常輕挈其輕重之權者在斯民而已  
民無常重亦無常輕挈其輕重之權者在政理而已

觀姬周以前帝王之作莫不更都三河之間未始有  
宅西土者也爰自后稷居郃太王居岐文王都豐武  
王都鎬而關中浸以休息自後雍土常為王霸之都  
則以后稷之稼穡太王之遷豳文王之子來武王之  
求定有以臻此之盛也自周至唐洛陽為帝居垂二  
千載矣而代宗遭吐蕃之亂徬徨陝服欲東遷洛陽  
而郭子儀以為東都乘大亂之餘千里蕭條百遭荒  
榛其何以備萬乘供百官井舍代宗遂西還而不復



倚洛陽為重由是觀之則班史都會之論特可施之一時而不可施之萬世也若欲隆上都而觀萬方峙都府以制四履則要當以政事為先豈以古為泥哉


天下各國形勝

中國之地左濱海右通流沙方而言之萬五千里堯別九州舜為十二秦前有藍田之鎮後有胡苑之塞左靖函右隴蜀西通流沙險阻之國也蜀漢之土與秦同域南跨邛笮北阻褒斜西即隈礙隔以劍閣窮險

極峻獨守之國也周在中樞西阻峭谷東望荆山南  
面少室北有太嶽三河之分雷風所起四險之國也  
魏前枕黃河北漳水瞻王屋望梁山有藍田之寶浮  
地之淵趙東臨九州西瞻恒嶽有沃瀑之流飛狐井  
陘之險至於潁陽涿鹿之野燕却背沙漠進臨易水  
西至君都東至於遼長蛇帶塞險陸相乘也齊南有  
長城巨防陽關之險北有河濟足以為固越海而東  
通于九夷西界岱嶽配林之阪險固之國也魯前有

淮水後有岱嶽蒙羽之向洙泗之流大野廣土曲阜  
尼丘宋北有泗水南迄睢渦有孟諸之澤碭山之塞  
也楚後背方城前及衡嶽左則彭蠡右則九疑有江  
漢之流實險阻之國也南越之國與楚為鄰五嶺已  
前至于南海負海之邦交趾之土謂之南裔吳左洞  
庭右彭蠡後濱長江南至豫章水戒險阻之國也東  
越通海處南北尾閭之間三江流入南海通東治山  
高海深險絕之國也衛南跨于河北得洪水南過漢上

右通魯澤右指黎山



圖書編卷三十三